

Shu phah Whatsapp ne Phone ha une u Number
8794745117
 Ki Classified Advertisement Ne kiwei ki Advertisement kiba phi kwah ban pynmih ha ka Kolokhubor
Sa siew Online Payment

Mawphor

Khabor Khasi Ba Man Ka Sngi Ba Nyngkong

READINGTON Restaurant
Bed & Breakfast
 Mawlai Mawjong Rim Shillong, Meghalaya
 81320 00254 / 93781 87148 / 87875 66272

Rongei ki runar ia ka mobile phone bad pisa na PB

Shillong, Jylliew 11: Ka khabor ba la ioh na ki pulit la iathuh ba u Shagun Agarwal u la phah ka jingujor ba ha ka 3 tarik mynta u bnai ha ka por kumba 7 baje mynmiet, ki runar bym lah ban ithuh ki la tuh ia ka mobile phone jong u ha Police Bazar, Shillong.

Ha kawei pat ka liang u Sunil Pandurang Kothare u la phah ka jingujor ba ha ka 1 tarik mynta u bnai ki runar bym lah ban ithuh ki la tuh ka pisa kumba T. 73,000/- napoh ka pla jong u na Police Bazar, Shillong.

Lah jan ar bnai jah u Ashraf Ali napoh ka Nongbah Shillong



Shillong, Jylliew 11: Ka khabor ba la ioh na ki pulit la iathuh bad pynmih ka jingpynbna ha kaba iadei bad ka jingjah rngai jong u Ashraf Ali uba la don 28 snem ka rta uba jrong kumba 5 phut 11 inshi bad uba met lieh. Une uba jah rngai u dei uba nang ban kren Hindi bad Bhojpuri.

Lada don mano mano ba tip ne lap ia une u brier kin sngewbha ban pyntip noh mar mar sha kine ki nombar jong ka Police Control Room - 6009196479. In-charge Jhalupara Outpost - 8413932941. Missing desk (Crime Branch) - 8837282114.

Shah tuh ka scooter kawei ka longkmie na PB

Shillong, Jylliew 11: Ka khabor ba la ioh na ki pulit la iathuh ba ka Kong Krelinda Khyriemujat ka la phah ka jingujor ba ha ka 6 tarik mynta u bnai ki runar bym lah ban ithuh ki la tuh ka scooter jong ka kaba don u nombar ML-05R-7426 bad kane ka la jia ha ka por 10 baje mynmiet ha Police Bazar, Shillong.

Pynrem jur ka NESO ba shah pyniip ki 6 ngut ki Naga

Shillong, Jylliew 11: Ka North East Students' Organisation (NESO) kala pynrem jur halor ka jingpyniip ia ki hynriew ngut ki shynrang Naga kiba dei na Konsakhul Naga Village ha Manipur, ia kaba la

Naduh mynta ka sngi yn treikam ka skim OTS

La heh mynsiem ki kali kamai ba mab ka sorkar ia ka kuna bad khajna kali

ONE-TIME SETTLEMENT SCHEME FOR ALL COMMERCIAL VEHICLE OWNERS

ON OUTSTANDING DUES:

- 80% WAIVER on Motor Vehicle Tax (Road Tax)
- 90% WAIVER on Fitness Fee Related Penalties

Shillong, Jylliew 11 : Ka Sorkar Meghalaya lyngba ka Tnad Transport ha kane ka sngi Palei ka la pyllait paidbah ia ka One-Time Settlement (OTS) Scheme,

kaba thmu ban ai jingiarap ia ki trai kali kamai da kaba mab bun bha ka kuna kot kali kumjuh ia ka khajna kot kali kaba ki khlem lah shuh ban siew da ki bun bun snem.

Haba pyllait paidbah ia kane ka skim, u Symbud Myntri Rangbah ba peit ia ka tnad Transport, Bah Sniawbhalang Dhar u la iathuh ba ka sorkar jylla kan

mab haduh 90 persen ka kuna (Fitness Certificate) ia ki kali kamai bad 80 persen pat na ka bynta kiwei ki khajna kali (Goods & Passengers Tax).

U Myntri u la pyntip ba baroh ki khajna bad kuna kiba la sahteng khlem lah siew la katno katne snem mynshwa kin shah kynthup hapoh kane ka skhim katkum ka rukom ba la mynjur da ka Sorkar.

Katkum ka jingioh lum jingkhiein jong ka tnad Transport, ka pisa kaba dang sah ban siew kum ka khajna sha ka sorkar ka la kot sha ka 1,100 klur, kiba kynthup kumba 900 klur tang na ki

Nalor ka ILP, ka Ktien Khasi bad Garo hakmat eh

Bym don ba aireng jop suk u James K Sangma ia ka shuki MP Rajya Sabha

Shillong, Jylliew 11 : U kyrtong monlang jong ka sorkar synrop Meghalaya Democratic Alliance (MDA) ba dei ruh u nongialam ka National People's Party (NPP), u James K Sangma ha ka sngi Palei u la ioh pdiang ia ka syrnod na u Returning Officer kum u MP ba thymmai ka Jylla sha Rajya Sabha hadien ba u la jop suk khlem da don mano mano ruh ba iakhun.



U Kyrtong MP Rajya Sabha u James K Sangma ba dang pdiang ia ka syrnod jop na u Returning Officer. (Dur Mawphor)

Ia kane ka syrnod la aiti da u Returning Officer ba dei ruh u Secretary ka Meghalaya Legislative Assembly Secretariat u Malthus S Sangma u ba la pynbna ruh ia ka jingjop jong u James Sangma kum u dkhot ba thymmai jong ka Parliament hadien ba ka por ba la buh ban weng kyrteng ka la kut.

Na ka liang u MP ba thymmai pathai khabor u la pynpaw ka Meghalaya sha Rajya ka jingsngewnguh ia ka Sabha haba kren bad ki lad

Kyrpad ka Committee ia ka sorkar ban shimkhia

Kylla um ktieh ka Wah Umlew na ka jingtih surok ka Dhar Company

Nongpoh, Jylliew 11: Ki nongialam jong ki 9 tylli ki shngong kiba hap hapoh ka thaini Nongtraw, Ri Bhoi District, hapoh ka lama jong ka Wah Umlew Protection Committee, mynta ka sngi ki la pynpaw ia ka jingsngewkha kaba jur halor ka jingshah pynjaboh jong ka Wah Umlew, kaba dei kawei na ki wah kiba ki paidbah shngong ki la ri bad

sumar bha la bun snem ban pynneh ia ka jingkhuid bad ka jingtynnad jong ka. Na ka bynta ban iada bad sumar ia kane ka wah, ki nongialam shngong jong kine ki 9 tylli ki shngong ki la thaw ia ka Wah Umlew Protection Committee, kaba don ia ka thong ban pynneh pynsah ia ka wah na kino kino ki kam kiba lah ban pynjulor ia ka. Ka

Committee ka la pyrshah ruh ia ki jingleh be-aiin kum ka jingwieh dawai, jingpynbthei bom bad jingkwang jar ha ka wah, khnang ban pynneh pynsah ia ki doh um doh wah

Ka kabu ksiar ia kiba la heh rta ban pyndep Matrik, wan shah hikai ha North Liberty HSS: Babu Richard

Jowai, Jylliew 11: U Prinsipal jong ka North Liberty Higher Secondary u Babu Richard Uriah ula pyntip ba ka sorkar lyngba ka tnad pule puthi kala ailad kum ka kabu ksiar ia kito kiba la heh ka rta ba kin pyndep iaka Matrik namar ka jingbym

ioh lad jong ki ban bteng ia ka jingpule na ki daw kiba bun bad ki jingiakynduh ha ka jingim.

Kumta u khot lada don kino kino kiba la dap 15 snem shaneng bad ki bym leit skul shuh wat lada kiba la pyndep

Mynsaw 3 ngut bad pra ka dukan ha Umdihar ba leit tynrah ka kali Swift

Nongpoh, Jylliew 11: 3 ngut ki brierw kila mynsaw bad kawei ka dukan sha kala pra phom mynta ka shiteng sngi hadien ba kawei ka kali Swift kala leit ban tynrah ia ka dukan sha kaba don harud surok bah National Highway 6 haka shngong Umdihar, Ri-Bhoi District.

ioh lum la ong ba kane ka jingjia kala jia haka por kumba 12 baje eiei mynta ka shiteng sngi ha kaba katei ka Swift kaba don ia u number AS 01 GQ 2040 ka dang mih na Shillong ban hiar sha Guwahati hynrei ynda poi ha katei ka jaka u nongniah um lah ban leh lakam iaka kali

Na ka Regeneration Meghalaya Project

Mawkyrwat, Jylliew 11: Ka Regeneration Meghalaya Project (RMP), lyngba ka Hill Farmer Shi-i-take Mushroom Co-operative Society, World View Impact, bad ka EarthTree, ki la iasnohktlang ban rakhe ia ka sngi pynneh-pynsah ia ka mariang ne ka World Envi-



ronment Day 2026 ha Mawkyrwat bad kumjuh ruh da kaba thung ki tynrai dieng ha Rilang College,

Mawsaw, South West Khasi Hills District. Lah ban kdew ba kane ka

Haduh 63 ngut ki samla kiba ioh khusnam

Da ka 4th Felicitation Award 2026' pynshlur ka Dorbar Shnong Mihmyntdu ia ki samla pule

Jowai, Jylliew 11: Ka Dorbar Shnong Mihmyntdu West Jaiintia Hills District kum ka dak ban pynshlur ia ki samla pule jong ka shngong, mynta ka sngi Palei kala pynlong ia ka program pynkup burom ia ki samla

pule kiba la pass bha haki Examination HSSLC bad SSLC ia kaba la tip kum ka '4th Felicitation Award 2026'.

Ia kane ka program la pynlong ha Lumpyrdi Mihmyntdu, ha kaba u myntri ka koit ka khiah bad ka kam ialehka Sports jong ka sorkar jylla u ma Wailadmiki Shylla ula long kum u kongsan, haka jingdonlang u Principal ka North Liberty Higher Secondary School Sir. Richards

Ka shngong Mawlaisiem ha kaba nyngkong ka dei tang ka jaka sharai masi jong ki nong Pariong

Nongstoin, Jylliew 11: Ka long kaei ka ei kaba sngew tynnad ban tip ba ka shngong Mawlaisiem ha kaba nyngkong ka dei tang ka jaka sharai masi bad ka jaka rep.



U Babu Roiland Hujon ka jaka ba don ki Maw Laisiem. (Dur Mawphor)

Ha kaba iadei bad ka kyrteng jong katei ka shngong u nongthohkhubor jong u Mawphor ha kane ka sngi palei ka 11 tarik Jylliew u la hiar sha katei ka shngong ban ban iakynduh ia ki riew tymmen bad ban wad jingtip ha kaba iadei bad ka jingjer kyrteng ia katei ka shngong ka Mawlaisiem.

Ha katei ka sngi la ioh ban iakren bnaih bad u babu Roiland Hujon uwei na ki riew tymmen na katei ka shngong ha kaba u la iathuh ba kumba phraphew snem mynshuwa katei ka shngong Mawlaisiem kam dei satia ka shngong hynrei ka dei tang ka lum suda bad ka dei ruh ka jaka kaba ki nongshng shngong na Pariong ki pynlong kum ka jaka sharai masi bad ka jaka rep.

haden katto katne por ki don lai ngut ki tymmen kiba na ka shngong Pariong ka Presimai Hujon, ka Plesimai Hujon bad ka Thaion Pariong ki dei kiba la sdang ban wan shna ing ha

katei ka jaka ha syndah jong ki mawpud jong ki lai tylli ki hima kata ka hima Mawiang, hima Nobosohphoh bad ka hima Myrriaw bad dei na ka jingdon jong kitei ki mawpud mawsam jong ki lai hima ba la jer kyrteng ka shngong Mawlaisiem.

Ka long ruh kab sngew tynnad ba katkum ka jingiatuh jong u babu Roiland la ong ba ha ka por ba kitei ki lai tylli ki long ing ki dang sdang ban wan buhao shngong ha katei ka jaka ka kidei kiba duk haduh katta katta bad ban pynkdang ia ki khun ki kti ki la hap ban leit kheit da u jhur jatira na duh Mawphanlur.

Ha kaba iadei bad ka jing kiew jong ka jingdon ki nongshng shngong utei u babu u la iathuh ba haduh kine ki sngi ki la don haduh shispah khathynnw tylli ki long ing.

Nalor kata u la iathuh ruh ba ha kaba iadei bad ka roi ka par ruh ka tei ka shngonka la kiew sted bha namar ba ia ka surok la dep ioh naduh u snem 2002 ha ka por ba u bah Tuberlin Lyngdoh u dang long u MLA jong ka Pariong constituency bad la plie ha ka por ba ka balang Presbyterian Laitkseh Jingiaseng Samla ka pdiang ia ka jingiaseng Samla

jong ka KJP Synod Serpngi. U la iathuh ruh ba ia ka bording eletrik bad ka umbam umdih ruh la dep ioh naduh ka por ba u bah Tuberlin Lyngdoh u dang long u MLA.

Ha kaba iadei bad ki mawpud mawsam jong ki hma bad ki shngong ki thaw utei u babu u la ong ba ka por ka la dei ba ki Syiem bad ki nongsynshar jong ki hima bapther bap her bad ruh ki shngong ki thaw ki dei ban da pynthikna ia ki pud ki sam da kaba sieh thikna ia ki maw pud ha ki jaka kiba dei ban sieh bad ba ki dei ban long kiba kham jrong bad ruh ba ki dei ban da pynthymmai man la ha ka por khnag ba kan ym don kano kano ka jingiaknieh ne kyntur pud bad ki mawpud maw sam ruh ki dei ban ia jngai tang hynrei ki dei ban long marjan khnang ba ki khun ki kswie pateng la pteng kin tip ia ka nongrim jong ki pud ki sam jong ki hima ba ki shngong bad wat ki jaka jong ki riew shimet ruh ki dei ban don ia ki mawpud maw sam kiba thikna da ka jingiatip bad mynjur lang jong ki para trai jaka khnang ban lait na ka jingia tam pud uwei ia uwei pat.